

Mensahe 10

**Ang Pahiuli sa Ginoo—Magtukod sa Sion**

Basahong Kasulatan: Sal. 48:2; 11-12; 20:2; 50:2; 53:6a; 87:2;  
Bug. 2:7, 11, 17, 26-28; 3:5, 12, 20-21

- I. Ang Sion mao ang syudad ni Haring David (2 Sam. 5:7), ang sentro sa syudad sa Jerusalem, nga gitukoran sa templo nga puluy-anan sa Dios dinhi sa yuta (Sal. 9:11; 2:6; 74:2; 76:2b; 125:1; 135:21; Isa. 8:18):**
- A. Naghulagway ang Jerusalem sa iglesia, ug naghulagway ang Sion sa mga mananaog diha sa iglesia:
    - 1. Ang Sion maoy kinamaayohang bahin sa Jerusalem, ang katahom sa balaang syudad—Sal. 48:2; 50:2.
    - 2. Isip kinamaayohang bahin ug katahom sa balaang syudad sa Jerusalem, naghulagway ang Sion sa mga mananaog nga maoy kinatumyan, ang sentro, ang pagpausbaw, pagpalig-on, pagpagdagaya, katahom, ug realidad sa iglesia—48:2, 11-12; 20:2; 53:6a; 87:2.
    - 3. Bug-os gyong madinawaton sa Ginoo ang bungtod sa Sion, ug hingpit gyong napanag-iya Niya—24:1, 3, 7-10.
  - B. Ang mga mananaog nga mao ang Sion maoy realidad sa Lawas ni Cristo ug maghingpit sa pagtukod sa Lawas diha sa mga iglesia lokal aron ipadangat ang nahingpit nga balaang syudad, ang Bag-ong Jerusalem, ang kinahingpitang Dapit Labing Balaan nga puluy-anan sa Dios sa eternidad—Bug. 21:16; itandi sa Exo. 26:2-8; 1 Hari 6:20.
  - C. Ang iglesiahonong kinabuhi mao ang Jerusalem karon, ug sulod sa iglesiahonong kinabuhi duna gyod untay grupo sa mga mananaog ingon nga Sion karon—Rom. 12:4-5; Efe. 4:16; Bug. 2:7; 3:12:
    - 1. Nagpadayag kini nga ang mga iglesia lokal dili maoy tumong sa Dios kondili ang palagianan nga gigamit sa Dios aron makab-ot ang Iyang tumong; magdul-ong nato sa realidad sa Lawas ni Cristo ang mga iglesia lokal.
    - 2. Ang kinahabogang punto sa pahiuli sa Ginoo nga makatuman sa pamatigayon sa Dios dili man kanang magpalugwa ang Dios og daghang iglesia lokal sa pisikal nga paagi kondili sa organicong Lawas nga mahimong organismo Niya—1 Cor. 12:27; Efe. 4:16.
- II. Makaamgo gyod unta ta kon unsa ang pahiuli sa Ginoo; ang pahiuli sa Ginoo pagtukod man sa Sion—Bug. 14:1; Efe. 4:16; Bug. 21:2, 9-10:**
- A. Naggikan sa Sion ang mga kinaiya, kinabuhi, panalangin, ug pagkaestablisar sa Jerusalem—1 Hari 8:1; Sal. 51:18; 102:21; 128:5; 135:21; Isa. 41:27; Joel 3:17.
  - B. Sa basahon sa Bugna ang gusto sa Ginoo ug ang tukoron Niya mao

Mensahe 10 (sumpay)

ang Sion, ang mga mananaog; kini ang tiunayng realidad sa espi-rituhanong pinadayag sa balaang Pulong sa Dios; magmainiton gyod ta sa pag-ampo bisan unsa pay bugti ug mobayad sa bili sama sa gibuhad ni apostol Pablo—2:7, 11, 17, 26-28; 3:5, 12, 20-21; Col. 4:2; Fil. 3:8-14.

- C. Ang tubag nato sa pagtawag sa Ginoo sa mga mananaog ning panahona kana mang malagsik ta; ang malagsik kana mang buhi ug aktibong mausa sa buhi ug nagbuhad nga Dios nato; ang lihok sa Dios dinhi sa yuta aron matuman ang walay kataposang pamatigayon Niya pinaagi gyod sa mga mananaog—Dan. 11:32; Heb. 3:12; 9:14; itandi sa Bug. 3:1.
- D. Ang mga mananaog, nga gihulagwayan sa Sion, mao ang takasan ug pinaagi nila mobalik ang Ginoo nga Hari sa himaya aron manag-iya sa tibuok yuta nga gingharian Niya—Sal. 24:1-3, 7-10; Dan. 2:34-35; 7:13-14; Joel 3:11; Bug. 11:15; 19:13-14.
- E. Walay laing paagi nga makab-ot ang habog nga punto sa walay kataposang pamatigayon sa Dios, ang realidad sa Lawas ni Cristo, kondili ang pag-ampo ra; ang pagkahimo natong mga mananaog nga realidad sa Lawas ni Cristo nga mahimong pangasaw-onon ni Cristo maoy motapos ning panahona, ang panahon sa iglesia, ug magpabalik ni Cristo nga Hari sa himaya aron moangkon, manag-iya, ug magbuot ning yutaa uban sa Iyang mga mananaog sa panahon sa gingharian—vv. 7-9; 20:4-6; Sal. 24:7-10.
- F. Gipadayag sa Sulat ni Pablo ngadto sa mga taga-Efeso ang pagkinabuhi sa mga mananaog, nga nagkinabuhi diha sa realidad sa Lawas ni Cristo sa pagkinabuhi nila diha sa nasagol nga espiritu:
  - 1. Ang realidad sa Lawas ni Cristo mao ang kinahabogang punto sa pamatigayon sa Dios ug ang kinalabwang pinadayag sa Biblia, nga gipadayag pinaagi sa espiritu sa kaalam ug pinadayag—1:17, 22-23.
  - 2. Ang realidad sa iglesia nga Lawas ni Cristo pagkinabuhi man diha sa nasagol nga espiritu, nga mao ang puluy-anan sa Dios, ang balay sa Dios, ang Bethel karon, ang ganghaan sa langit, ug ang Dapit Labing Balaan, ang puluy-anan sa pneumaticong Cristo nga pagkalawas sa Tulo-usang Dios, nga gihulagwayan sa Arka—1:17; 2:22; 3:5, 16; 4:23; 5:18; 6:18; Gen. 28:12-17; Juan 1:51; Heb. 9:3-4; 10:19-22.
  - 3. Ang realidad sa Lawas ni Cristo mao ang realidad nga naa ni Jesus, ang aktwal nga kahintang sa kinabuhi ni Jesus ingon sa nasulat sa upat ka Ebanghelyo, nga gihulad diha sa daghang bahin Niya ingon nga hiniusang pagkinabuhi sa nahingpit na nga mga Dios-tawo pinaagi sa pagpabag-o sa salabotan sa nagbag-ong Espiritu

Mensahe 10 (sumpay)

nga nasagol sa atong espiritu nga gipanganak pag-usab—Efe. 4:1-6, 15-16, 20-24; Gal. 2:20; Fil. 1:19-21a; 4:11-13.

4. Napuno ang iglesia sa nagpatahom, nag-andam-sa-pangasaw-onon nga Espiritu, nga nasagol sa atong espiritu, aron mahimo tang balaan, matahom, nagpadayag-sa-Dios nga pangasaw-onon ni Cristo, pangasaw-onong walay ikasaway o pagkadili-hingpit—Efe. 5:18, 26-27; Isa. 60:7, 19; 62:3; Exo. 28:2; itandi sa Sal. 27:4; 48:2; 50:2; 110:2-3, 7; Isa. 28:5; 60:21; 61:3.
5. Aron magmadaogon si Cristo sa tibuok natong pagkatawo, mosinati gyod ta sa nagpatayng Espiritu nga nasagol sa atong espiritu aron mapatay ang tanang iya sa kabatok sa Dios sa sulod nato, nga makapasarang nato nga magbuot diha sa diosnong kinabuhi sa Espiritu batok ni Satanas, sa sala, ug kamatayon alang sa gisakopan sa Dios ug magkinabuhi sa himsog nga kinabuhi sa Lawas, sa himsog nga iglesiahonong kinabuhi—Efe. 6:10-18; Sal. 48:12-13.

**III. Nagpahimulos ang mga mananaog ni Cristo nga Tulo-usang Dios nga nagpakatawo, ang Dios-tawo, ug sila kadtong naa sa kasingkasing nila ang dagkong dalan paingon sa Sion—“bulahan ang tawo nga ang kalig-on niya naa Nimo, / Nga sa iyang kasingkasing naa ang dagkong dalan paingon sa Sion. / Sa pag-agi nila latas sa walog sa Baca, / Gihimo nila kining tubod; / Oo gilukop kini sa sayong ulan og mga panalangin. / Nanglakaw sila gikan sa kalig-on ngadto sa kalig-on; / Tagsatagsa niatubang sa Dios didto sa Sion”—84:5-7:**

- A. Mosangpot sa pagpahimulos sa katahom ug katam-is sa balay sa Dios ang mga paghukas ug mga paghilak—vv. 1, 6 ug mga nota 1<sup>1</sup> ug 6<sup>1</sup>; itandi sa 73:26 ug nota 1.
- B. Samtang naghilak ta, gipuno ta sa Espiritu, ug mahimong tubod ug sayong ulan nato ang Espiritu; ang dagkong dalan paingon sa Sion nagtimaan sa tuyo nato nga mosulod sa iglesia nga balay sa Dios nga dunay duha ka halaran, nga nagtimaan sa nag-unang mga kahingpitan sa buhat sa Tulo-usang Dios nga nagpakatawo, nga mao si Cristo nga pagkalawas sa Dios aron motubo Siya—84:3-6.
- C. Nagpadayag ang Salmo 84:11 nga ang mga panalangin sa pagpuyo nato sa balay sa Dios mao ang pagpahimulos nato sa nagpakatawo ug nahingpit nga Tulo-usang Dios ingon nga atong Adlaw nga mosangkap natog kinabuhi (Juan 1:4; 8:12), atong taming nga manalipod nato sa kaaway sa Dios (Efe. 6:11-17), grasya nga mapahimuslan nato (Juan 1:14, 17), ug himaya nga magpadayag sa Dios sa kasanag (Bug. 21:11, 23).

**IV. “Naa ang Iyang patukoranan sa balaan nga mga bukid. / Nahigugma si Jehova sa mga ganghaan sa Sion”—Sal. 87:1-2a:**

Mensahe 10 (sumpay)

- A. Ang Sion nga hulagway sa mga mananaog diha sa iglesia gitukod sa kinatumyan sa “balaan nga mga bukid,” nga naghulagway sa mga iglesia lokal, ug si Cristo maoy patukoranan (v. 1); ang langitnong Sion, nga kalabot niini gipamulong ang mahimayaong mga butang (v. 3), mao unya ang kataposang dapit nga kapahulayan sa mga mananaog (Bug. 14:1).
  - B. Alang sa pagsulod ug paggawas, nga nagtimaan og panag-ambitay, ang mga ganghaan sa Sion; kanang dunay napulog duha ka ganghaan ang Bag-ong Jerusalem (21:12, 21) nagpakita nga matugob sa panag-ambitay ang balaang syudad sa Dios.
  - C. “Ingon kini mahitungod sa Sion, / Natawo diha niya kini siya ug kadto siya, / Ug ang Labing Taas Uyamot mismo maoy mag-establisar niya. / Mag-isip si Jehova / Sa dihang isulat Niya ang mga katawhan: / Kini Siya natawo didto” (Sal. 87:5-6); ang Bugtong-talagsaon, si Cristo, nga kinatibuk-an sa tanang balaan (“kini siya” ug “kadto siya”), mao ang tanang balaan ug naa sa tanang balaan (Col. 3:11).
  - D. “Naa nimo ang tanan kong tubod” (Sal. 87:7); papasigarboha ang Egipto sa Nilo ug papasigarboha ang Babilonia sa Eufrates; wala nila ang mga tubod, apan naa kini kanatong naa sa Sion.
- V. Naghisgot ang Mga Awit sa Pagtungas (Sal. 120—134) sa pagkabilihon sa Sion ug sa Jerusalem sa mga kasinatian ug mga pagdayeg sa mga balaan:**
- A. Gihisgotan sa Salmo 132 ang pito ka bililhong butang kalabot sa mga mananaog sa pagtungas nila sa Sion; naa sa kinatumyan sa iglesiahanong kinabuhi kining mga butanga, ug nagpakita kini sa sitwasyon sa mga mananaog sa Sion, sa kinatumyan sa bukid sa Dios—vv. 13-18:
    - 1. Pagpahulay uban sa Dios—“kini ang Akong dapit nga pahulayanan hangtod sa hangtod” (v. 14a).
    - 2. Pagpuyo uban sa Dios—“dinhi mopuyo Ko, kay gitinguha Ko kini” (v. 14b).
    - 3. Kalan-on nga makabusog—“Madagayaon Kong panalanginan ang iyang sangkap; / Busgon Ko sa tinapay ang iyang mga kabos” (v. 15).
    - 4. Mahimayaong bisti—“bistihan Ko sa kaluwasan ang iyang mga sacerdote, / Ug maghugyaw sa kalipay ang iyang mga matinumanon” (v. 16; itandi sa Exo. 28:2).
    - 5. Ang sungay sa kadaogan—“didto paturokon Ko ang usa ka sungay ni David” (Sal. 132:17a).
    - 6. Ang suga nga naghayag—“Nagtagana na kog suga alang sa Akong dinihogan” (v. 17b).
    - 7. Ang purongpurong nga nagsidlak—“Bistihan Ko sa kaulawan ang iyang mga kaaway, / Apan mosidlak ang iyang purongpurong diha niya” (v. 18; itandi sa Isa. 62:3).

MGA TALAMDAN SA PAGTUON-NGA-MAKAPATIN-AW

Mensahe 10 (sumpay)

- B. Sa matukod na ang Sion ingon sa gipakita sa Salmo 132, duna tay dapit nga katigoman ug kapuy-an pag-usa diha sa pagkausa; pag-kamaayo ug pagkanindot gyod niini!—133:1-3.
  - C. “Panalanginan unta mo ni Jehova, / Nga nagbuhat sa langit ug sa yuta, gikan sa Sion” (134:3); hain ngani naay mga mananaog, naa gyoy panalangin sa Dios; kanunayng gipanalanginan sa Dios ang Iyang katawhan gikan sa Sion, gikan sa kinatumyan, gikan sa mga nakaabot sa kinatas-an, sa posisyon sa mga mananaog; gikan ning posisyona gipanalanginan sa Dios ang tanan Niyang katawhan.
- VI. Karon sa panahon sa iglesia, ang mga Dios-tawong nahingpit ug nahamtong na mao ang Sion, ang mga mananaog, ang lagsik nga mga grupo nga naa sa kaiglesiahan, apan sa bag-ong langit ug bag-ong yuta, mahimong Sion ang tibuok Bag-ong Jerusalem (Bug. 21:16), lakip na sa tanang magtutuo nga mga mananaog—v. 7 ug nota 1.**